

GAUTENG DEPARTMENT OF EDUCATION



SKAAK BELEID

LAER VOLKSKOOL HEIDELBERG



1. DOELSTELLINGS VAN SKAAK:

Om 'n gebalanseerde buitemuurse program daar te stel sodat opvoeding ook buite die klaskamermure kan plaasvind ten einde 'n liggaamlike-en emosionele gebalanseerde kind te vorm.

Skaak bevorder konsentrasie en laat leerders gebruik maak van hul denk vermoë. Dit is ook ontspannend en genotvol. Om te wen is nie alles, maar dit bly tog lekker om te wen. 'n Wenkultuur moet geskep word maar nie ten koste van beginsels en waardes nie.

Om die liefde vir skaak by die leerders aan te wakker. Skaak word as 'n sport geklassifiseer. Dit korreleer met Wiskunde. Strategiese denke word gestimuleer asook die sistematiese verwerking van stress.

2. SAMESTELLING VAN SKAAKSPANNE:

A-spanne word op meriete gekies. B-D spanne roteer om sodoende alle leerders 'n kans te gee om wedstryd-ondervinding op te doen.

Daar is vier spanne wat deelneem by die liga toernooi:

0/9 span, 0/11 span en 'n 0/13 span

Daar word ook verwag van skole om 'n dogterspan in te skryf om so skaak onder ons dogters te bevorder.

3. GEDRAG EN GEDRAGSKODE:

Alle leerlinge moet in volle skooldrag / sportdrag aan kompetisie / sportdrag deel neem.

Elke leerling moet ten alle tye gedurende 'n kompetisie / toernooi netjies geklee wees en aan die skoolreëls voldoen wat hare, naels, juwele en skooldrag betref.

Leerlinge moet ten alle tye respek toon, hoflik optree en 'n onderwyser of spanbestuurder se hulp ontbied indien daar 'n probleem sou ontstaan.

Daar moet ten alle tye 'n volwasse persoon wees wat leerlinge vergesel by 'n skaakkompetisie.

Leerlinge moet hul afrigter vroegtydig in kennis stel indien hulle nie 'n toernooi kan bywoon nie, sodat daar vroegtydig alternatiewe reëlins getref kan word.

Afrigters moet ook die leerlinge vroegtydig in kennis stel van kompetisies wat plaasvind.

4. OUDERDOMME:

Skaakoefening is vir Gr. 3 tot Gr. 7 leerders.

Gr. 3's is in die 0/9 span.

Gr. 4's en Gr. 5's is in die o/11 span.

Gr. 6'e en Gr. 7's is in die o/13 span.

5. AFRIGTERS:

Daar word gebruik gemaak van professionele hulp, wat van tyd tot tyd leerlinge kom help. Die kostes word deur die ouers gedra. Ouers mag help met die afrigting van spanne, maar geensins voorkeur gegee aan sy/haar eie kind/ers nie. Skaak word in die Grondslag-, Intermediëre - en Senior Fase aangebied. Oefendae is op Woensdae vir almal. Wedstryde vind op Saterdag plaas.

6. SKEIDSREGTERS:

Gedurende normale Woensdae middag skaak oefening tree die afrigters op as skeidsregters wanneer daar 'n beslissing gemaak moet word.

Gedurende D7 Liga toernooie asook Gauteng skole toernooie word daar van arbiters gebruik gemaak as skeidsregters.

7. KOMMUNIKASIE MET OUERS:

Kommunikasie met ouers vind plaas deur middel van die omsendbrief of skaakbriewe op die skool se amptelike briefhoof. Skeurstrokie word gehou vir bewys van kommunikasie.

8. VERVOER:

Die skool bly verantwoordelik vir vervoer van leerders na wedstryde. Indien spelers saam hul ouers ry of terugkeer moet dit aangetoon word op die nodige antwoordstrokie.

9. REËLINGS I.V.M. SKAAK:

Skaak word van die in die eerste kwartaal tot aan die einde van die tweede kwartaal vir seuns en dogters aangebied. Leerders neem deel aan 'n liga soos ondersteun deur "SEDIBENG CHESS". Skaak word op Woensdagmiddag geoefen. Enige leerder wat belangstel is welkom om te kom deelneem. Daar is geen koste verbonde om by die skool te oefen nie.

10. TOERUSTING:

Alle toerusting word deur die skool verskaf. Geen toerusting mag van die perseel verwyder word sonder die nodige toestemming nie. Leerders wat dit verkies, mag hul eie toerusting bring en gebruik.

11. VRYWARINGSVORM:

Aan die begin van die skaakseisoen moet alle leerders wat beoog om aan skaaktoernooie deel te neem 'n vrywaringsvorm deur sy of haar ouer / voog laat invul.

12. TOERNOOIE EN WEDSTRYDE:

Skoolverband:

Spelers moet soveel as moontlik blootstelling kry. Ons neem dus deel aan die D7 Liga, en wedstryde vind in die tweede en die derde kwartale plaas. Indien plek behaal word in hierdie liga kan die leerders deurdring tot die Gauteng Kampioenskappe wat elke jaar in Pretoria plaasvind.

Vriendskaplike toernooie word ook gereël met naby geleë skole.

Buite skool verband:

Leerders word ook aangemoedig om by die dorp se skaakklub betrokke te raak. Byeenkomste is een keer per maand.

Daar is ook gereeld geakkrediteerde skaaktoernooie vir leerders om deel te neem. Deur hierdie deelname word hulle in ag geneem vir die die Sedibeng distrik skaak span wat aan die einde van elke jaar aan die SA Kampioenskappe deelneem. Leerders word aangemoedig om ten minste 5 geakkrediteerde skaaktoernooie by te woon deur die jaar.

13. BEKRONINGSKRITERIA:

Getroue bywoning van skaakoefening

Sertifikaat van deelname

A. SKOOLVERBAND:

Individuele Kampioenskap

D7	Deelname	Balkie
	Wenners	Prestasie

Gauteng	Deelname	Prestasie
	Wenners	Erekleure

D7 LIga

D7	Deelname	Balkie
	Wenners	Prestasie

Gauteng	Deelname	Prestasie
	Wenners	Erekleure

B. BUIITE SKOOLVERBAND

Sedibengspan	Deelname	Balkie
SA's	Deelname	Prestasie
	1,2,3e plek	Erepenning / Erekleure

C. SKAAK TROFEE

Beste Jnr Speler van die jaar

Beste Snr Speler van die jaar

14. PLIGTE VAN SKAAK ORGANISEERDER:

- Oefenroosters
- Sportbegroting
- Sportvoorraad aankope
- In beheer van apparaat
- Wedstrydbepalings
- Reël van wedstryde
- Skeidsregters
- Arbiters
- Noodhulp

15. SPORTAKTIWITEITE EN COVID-19:

Dit is vir ons baie belangrik om ons leerders die geleentheid te gee om skaak te oefen en hulle vaardighede te bevorder. Die leerders se veiligheid en gesondheid is egter vir ons nog meer belangrik. Indien wel en wanneer sportaktiwiteite mag aangaan sal streng Covid-19 regulasies en -protokolle gevolg word ten alle tye. Alle personeel wat betrokke is by die skaak is opgelei en bewus van alle reëls en prosedures.